

Ўзбекистон Республикаси Президентининг ФАРМОНИ

ИККИНЧИ ЖАҲОН УРУШИ ҚАТНАШЧИЛАРИНИНГ МОДДИЙ ТАЪМИНОТИНИ ЯНАДА КУЧАЙТИРИШ ЧОРА-ТАДБИРЛАРИ ТЎҒРИСИДА

Мамлакатимизда кексаларни давлат томонидан қўллаб-қувватлаш ва ижтимоий ҳимоя қилишнинг самарали тизимини шакллантириш, Ватан обрў-эътиборини юксалтиришга, ёшларни маънавий-ахлоқий жиҳатдан тарбиялашга фаол қатнашаётган қарияларни эъзозлаш ҳамда фашизм устидан қозонилган ғалабага муносиб ҳисса қўшган фахрийларнинг моддий таъминотини янада кучайтириш мақсадида:

1. 2021 йил 10 майдан бошлаб 1941-1945 йиллардаги уруш ноиронлари ва қатнашчилари, шунингдек, фашистлар концлагерларининг вояга етмаган собиқ маҳбуслари ва Ленинград шахри қамал қилинган даврда ишлаган шахсларнинг энг кам пенсия миқдори устамаларни

инобатга олган ҳолда — **2,5 миллион сўм** этиб белгилансин.

2. Мазкур Фармонни бажариш билан боғлиқ бўлган сарф-харажатлар Молия вазирлиги ҳузуридаги бюджетдан ташқари Пенсия жамғармаси ва республика бюджети маблағлари ҳисобидан амалга оширилсин.

3. Молия вазирлиги манфаатдор вазирлик ва идоралар билан биргаликда икки ой муддатда қонунчилик ҳужжатларга ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклиф киритсин.

4. Мазкур Фармоннинг ижросини назорат қилиш Ўзбекистон Республикаси Бош вазири А.Н. Арипов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент шахри,
2021 йил 11 май

Ўзбекистон Республикаси Президентининг ҚАРОРИ

ХИЗМАТЛАР СОҲАСИНИ ЖАДАЛ РИВОЖЛАНТИРИШ ЧОРА-ТАДБИРЛАРИ ТЎҒРИСИДА

Хизматлар соҳасининг мамлакатимиз иқтисодиётидаги улушини кўпайтириш, жойларда хизматлар соҳасидаги мавжуд имкониятларни тўлиқ ишга солиш, хизматлар турларини кенгайтириш ва сифатини ошириш буйича ўз ечимини қўлга келтириш муаммоси масалаларни ҳал қилиш, мазкур йўналишда тадбиркорлик субъектларини янада қўллаб-қувватлаш, уларнинг ғоя ва ташаббусларини рағбатлантириш мақсадида:

1. 2021-2023 йилларда Ўзбекистон Республикасида хизматлар соҳасини ривожлантиришнинг асосий йўналишлари этиб қуйидагилар белгилансин:

иқтисодий ўсишни таъминлашда хизматлар соҳасини **муҳим драйверга айлантириш** ва **2023 йилга қадар хизматлар ҳажминини икки бараварга ошириш**;

аҳолига тайёр бизнес режалар ва лойиҳалар тақдим этиш, уларни касбга ўқитишдан тадбиркорлик фаолиятини йўлга қўйишга бўлган бошқичларни қамраб олувчи **“комплекс хизматлар”** кўрсатишни ташкил этиш;

республикада хизматлар соҳасининг ривожланганлигини баҳолаш тизимини жорий этиш орқали давлат органлари

ва ташкилотларининг бу борадаги фаолияти самарадорлигини ошириш ва мансабдор шахсларнинг масъулиятини кучайтириш; хизматлар соҳасида ортиқча бюрократик тўсиқларни бартараф этиш, ҳар бир **ҳудуднинг ўзига хос хусусиятларидан келиб чиқиб хизматлар турларини кенгайтириш**, ҳудудларда, айниқса, қишлоқ жойларда транспорт, молиявий, шунингдек, банк, туризм ҳамда савдо хизматлари қамровини кенгайтириш;

республиканинг барча ҳудудларида мавжуд таълим ва соғлиқни сақлаш хизматлари салоҳиятини ошириш, уларнинг сифатини яхшилаш, бунда хусусий секторни жалб қилиш учун **қулай иқтисодий ва инфратузилмавий шароитларни яратиш**.

2. Қуйидагилар: 2021-2023 йилларда Ўзбекистон Республикасида хизматлар соҳасини ривожлантиришнинг **мақсадли параметрлари** 1.1-1.15-иловаларга мувофиқ;

Хизматлар соҳасини ривожлантириш буйича 2021 йилга мўлжалланган **“йўл харитаси”** 2-иловага мувофиқ тасдиқлансин.

Иқтисодий тараққиёт ва камбағалликни қисқартириш вазирлиги

(С.Холхўжаев) манфаатдор вазирлик ва идоралар билан биргаликда 2022 ва 2023 йиллар учун хизматлар соҳасини ривожлантириш буйича **“йўл хариталари”**ни ҳар йили **1 декабрга қадар** ишлаб чиқиб, тасдиқлаш учун Вазирлар Маҳкамасига киритиб борсин.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари бир ой муддатда 2021-2023 йилларда **хизматлар соҳасини ривожлантириш ҳудудий дастурларини** тасдиқласин.

Бунда, ҳудудий дастурларга **ташаббускор тадбиркорларнинг ғоялари** асосида аҳолининг эҳтиёжи мавжуд хизматларни йўлга қўйиш буйича лойиҳаларни киритиш, шунингдек, жойларда мазкур хизматларни кўрсатувчи **“хизмат кўрсатиш мажмуалари”**ни ташкил этилиши назарда тутилсин.

4. 2021 йил 1 июлдан бошлаб республика ҳудудларида қуйидагиларни назарда тутувчи **хизматлар соҳасининг ривожланганлиги рейтингини** жорий этилсин:

хизмат кўрсатувчи, шу жумладан, янги ташкил этилган субъектлар сони, хизматлар ҳажми ва турлари, яратилган иш ўринлари, солиқ базаси ва бошқа муҳим кўрсаткичлар асосида

тегишли соҳаларга масъул бўлган давлат органлари ва ташкилотлари, уларнинг ҳудудий бўлинмалари раҳбарлари ва бошқарув ходимлари, шунингдек, Қорақалпоғистон Республикаси Вазирлар Кенгаши Раиси, вилоятлар, Тошкент шаҳар, туман (шаҳар)лар ҳокимлари ва уларнинг ўринбосарлари фаолиятини баҳолаш;

хизматлар соҳасининг ривожланганлиги рейтингини **“BUSINESS INDICATOR”** автоматлаштирилган онлайн ахборот тизимида шакллантириш, юритиш ва эълон қилиш;

баҳолаш натижаларини ҳар ярим йилда Ўзбекистон Республикаси Президенти Администрацияси ва Вазирлар Маҳкамасига киритиш; баҳолаш натижалари буйича тегишли ташкилотларнинг раҳбар ва бошқарув ходимлари, шунингдек, Қорақалпоғистон Республикаси Вазирлар Кенгаши Раисининг, вилоятлар, Тошкент шаҳар, туман (шаҳар)лар ҳокимлари ва уларнинг ўринбосарлари ижобий кўрсаткичга эга бўлганда — уларни рағбатлантириш ҳамда қоникарсиз кўрсаткичга эга бўлганда — интизомий жавобгарликка тортиш.

Давоми 2-бетда

ДИЛ СЎЗИ

“ЎЗБЕКИСТОН БУГУН ЯНА МЕҲР МАМЛАКАТИГА АЙЛАНДИ”



Урушнинг оти ўчсин. Кўп дўстларимиз кўз олдимизда, ёнимизда жон берди. Мен ҳам оғир жароҳат олиб, жанг майдонидан қолиб кетдим. Фронтидан “ўлиб” қайтганман. Уйга қора хат келган экан. Худо ризқ бериб, яшаб юрибмиз.

Ҳозиргидек тинч, озода кунларни кўриш у вақтлар катта армон эди, мудом кўрқув, хавотир домида яшаганмиз. Яратганга минг шукр, шу кунларга етдик. Қуни кеча Шавкат Миромоновичнинг табрик хатини, пул мукофотларини, совғаларини олган эдим. Бугун набирам келиб, яна бир хушxabар айтди.

Муҳтарам Президентимиз уруш қатнашчиларининг пенсиясини оширибди. Барака

топсин. Юртимизда кўп яхши ишлар бўляпти. Ўзим кўчага кам чиқсам-да, кўзимдан нур қочиб, қулоғим сал панд берса-да, болаларнинг гап-сўзидан, ҳаракатидан, юз-кўзидан сезман бунини. Фарзандларим келажакдан кўнглим тўқ. Ҳаммаси яхши.

Ўзи одам қариганда бир оғиз ширин сўз, озгина эътибор, меҳрга ўч бўлиб қоларкан. Тўғри, камимиз йўқ, фарзандларимиз ардоғида яшаймиз. Лекин одамга давлат раҳбарининг эътибори барибир бошқача таъсир қилади. Ҳали ватанга керакдек ҳис қиласан ўзингни.

Президентимиз бугун одамлар билан учрашиб, уйлارга кириб меҳмон бўляпти. Халқни эшитаяпти. Бунда ҳикмат кўп. Биттасини айтсам: Ўзбекистон бугун яна меҳр мамлакатига айланди. Қариялари, фарзандлари, аёллари эъзозланган юрда доим тинчлик-хотиржамлик бўлади, халқ мурод-мақсадига этиб яшайди.

Бугун бизнинг қўлимиздан келгани дуо: дунёмиз тинч, ризқимиз бутун бўлсин, давлатимиз раҳбари халқни ўйлаб чарчамасин, бизни уйлаганлар муродидага етсин, ишларига барака берсин.

Самандар ХУДОЙБЕРГАНОВ,
Иккинчи жаҳон уруши қатнашчиси
Хоразм вилояти

БУГУННИНГ ГАПИ

ШОҲОНА ДАФТАРЛАР ЁХУД НАЖОТ ҚАЛЪАЛАРИ



Абдусайд КЎЧИМОВ,
ёзувчи

Меҳнат одамни боқадди, тарбиялайди, улугълайди деганда, беихтиёр ибтидоий замонлару ярим-яланғоч авонинг тошу таёқлар билан баҳайбат мамонтларни овлаши ва инсониятнинг зинамазина ўсишида меҳнатнинг хизмати нақадар улканлиги эсга тушади.



Сўнг меҳнатсиз яхши яшаш, дуруст еб-ичиш, бежирим кийимниш даргумонлиги, мириқиб ишлаганнинг эса роҳатланиб ухлаши, эртанги ҳаёт учун куч тўплаши ўта бошлайди хаёлингиздан.

Шу зайл меҳнатнинг қадри тўғрисидаги ҳикमतлар кучоғида ҳақиқатлар дарёси шарқираб оқиб ётганига амин бўласиз.

Аммо тану жонингиз саломат, етти мучангиз бақувват бўлса-ю, ишлайдиган жой бўлмаса, нима қилмоқ керак? Мисол учун, деҳқон бўлсангиз-у далангиз, ишчи бўлсангиз-у корхонангиз, муаллим бўлсангиз-у мактабингиз, шифокор бўлсангиз-у шифохонангиз бўлмаса... Янаям теранроқ англайсиз иш ўрни дегани

инсоният тараққиётининг энг биринчи омили эканини.

Айни чоғда, фуқаролари иш билан таъминланган мамлакатлар қанчалар тез ўсгани-ю, таъминланмаганлари нега жойида депсиниб, муаммолар гирдобиди қолгани ҳам аён бўлади.

Давоми 3-бетда

ҚИЁСИЙ РАҚАМЛАР

Ўзбекистоннинг тўқимачилик маҳсулотлари экспорти

2000 йилда — **235,6** миллион
АҚШ доллари



Манба: Давлат статистика қўмитаси

ЯНГИ ЎЗБЕКИСТОН МАКТАБ ОСТАНАСИДАН БОШЛАНДИ

ТАЪЛИМ ДАРҒОҲИДАГИ ЁРУҒ ЎЙЛАР

Ижодий-маданий ишлар буйича тарғиботчилик жараёнидан лавҳалар

Болалигимда мактабимизда бирон шоир келганини эсломайман. Туман газетаси мухбирларини ҳам тахририятга илк машқларимизни кўтариб борганимизда кўранимиз. Аммо адабиёт қалбимизга синфхоналарда кириб келгани рост. Эски, буялавериб ранги унққан партиларда, улкан деразалардан катта ҳаёт кўриниб турадиган синфхонамизда адабиёт фани ўқитувчимиз шундай чиройли шеърлар ўқурдики, вуқулимиз қўлоққа, борлигимиз қалбага айланарди ўша чоғ. Дунёни ўзгаллик, ахшилик, ҳалоллик ва имон кўтқаришини ўша шеър дostonлардан, ҳикоя, қиссалардан англаганмиз.

Бугун кенг ва ёруғ синфхоналарга болалик хотираларини излаб боряпмиз, соғиниб қиряпмиз. Йиллар — тажриба, йиллар — тараққиёт. Илгариги эски мактаблар ўрнида бугун замонавий, қулай ва шинам илм масканлари қад ростлаган. Энди ижодкорлар бу масканларга фақат тадбирларга чақириладиган, муҳим саналардагина эсланадиган инсон эмас, балки мактабининг ўз ўрнига, машағулига эга ходими, ёшларнинг устози сифатида бормоқда.

Бу ишнинг мазмун-мундарижаси, мақсади не эди асли?

Президентимизнинг 2021 йил 26 мартдаги “Маънавий-маърифий ишлар тизимини тубдан такомиллаштириш чора-тадбирлари тўғрисида”ги қарори билан эндиликда мактабларда ижодий-маданий масалалар буйича тарғиботчи лавозимини учун 0,5 штат бирлиги ажратилди.

Давоми 6-бетда